



**Broj: T01 0 KTD 0043645 24**

Bihać, 30.7.2024. godine

**OPĆINSKI SUD U BIHAĆU**  
-Sudiji za prethodno saslušanje-

Na osnovu odredbe iz člana 45 stav (2) tačka h) i i), i člana 241 stav (1) i odredbe člana 350 Zakona o krivičnom postupku Federacije BiH-a, podižem:

## **OPTUŽNICU**

**PROTIV:**

**I. K.**

**Što je**

1. Dana 1.8.2023. godine, oko 21,30 sati u naselju Gornji Srbljani, grad Bihać, u dvorištu porodične kuće u vlasništvu J. K., zbog ranijih nesuglasica sa komšijom oko prelaska puta, svjestan da drskim i bezobzirnim ponašanjem ugrožava građanski mir komšije J. K. i članova njegove porodice a što je i htio, izvadio pištolj Crvena zastava, kalibar 7,62 x 25 mm, model M 57, tvorničkog broja (...), iz kojeg je ispucao tri metka u zrak da bi potom izašao iz dvorišta na lokalni put, gdje je ispucao još dva metka, kojim radnjama je izazavao uznemirenost članova domaćinstva J. K. te strah i plač kod J. supruge V. K. i njene maloljetne kćerke A., koji su navedene radnje posmatrali iz unutrašnjosti kuće sa prozora,

dakle, drskim i bezobzirnim ponašanjem prema drugom licu ugrozio građanski mir,

2. Dana 2.8.2023. godine, u 00,35 sati, u naselju Gornji Srbljani, grad Bihać, nakon što je počinio radnju opisanu pod tačkom 1 predmetne Optužnice, svjestan da je držanje oružja i municije bez odgovarajućih isprava o oružju zabranjeno, a što je i htio, suprotno odredbi člana 7 stav 5 Zakona o oružju i municiji USK (Sl. glasnik br. 15/21), u prostorijama svoje porodične kuće neovlašteno držao pištolj Crvena zastava, kalibar 7,62 x 25 mm, model M 57, tvorničkog broja (...) i 125 metaka kalibra 7,62 mm, što je pronađeno prilikom radnje pretresanja prostorija izvršenog od strane ovlaštenih službenih lica PS Bihać po usmenoj naredbi Općinskog suda Bihać, a koji pištolj i municija su prema članu 6 stav 1 tačka b) istog zakona svrstani u kategoriju B oružja- oružja za koje je potrebno odobrenje a koje nije imao,

dakle, bez važeće isprave o oružju držao vatreno oružje kategorije B i municiju oružja kategorije B.

**Čime je** počinio pod tačkom 1 krivično djelo Nasilničko ponašanje iz člana 362 stav 1 Krivičnog zakona Federacije BiH, u sticaju sa krivičnim djelom označenim pod tačkom 2- Neovlašteno nabavljanje, posjedovanje, držanje, nošenje, trgovina, popravlanje, modifikacija ili prepravlanje i posredovanje oružjem, bitnim dijelovima i municijom iz člana 73 stav 1 tačka a) Zakona o oružju i municiji USK (Sl. glasnik USK 15/21) a sve u vezi sa članom 54 KZ F BiH.

## P R E D L A Ž E M

Da taj sud donese presudu kojom se optuženi I. K. oglašava krivim za krivično djelo – Nasilničko ponašanje iz člana 362 stav 1 Krivičnog zakona Federacije BiH, u sticaju sa krivičnim djelom Neovlašteno nabavljanje, posjedovanje, držanje, nošenje, trgovina, popravlanje, modifikacija ili prepravlanje i posredovanje oružjem, bitnim dijelovima i municijom iz člana 73 stav 1 tačka a) Zakona o oružju i municiji USK (Sl. glasnik USK 15/21) a sve u vezi sa članom 54 KZ F BiH, i da mu se izda sljedeći:

## KAZNENI NALOG

Kojim se optuženom I. K. za krivično djelo – Nasilničko ponašanje iz člana 362 stav 1 Krivičnog zakona Federacije BiH, u sticaju sa krivičnim djelom Neovlašteno nabavljanje, posjedovanje, držanje, nošenje, trgovina, popravlanje, modifikacija ili prepravlanje i posredovanje oružjem, bitnim dijelovima i municijom iz člana 73 stav 1 tačka a) Zakona o oružju i municiji USK (Sl. glasnik USK 15/21) a sve u vezi sa članom 54 KZ F BiH, izriče:

## UVJETNA OSUDA

Kojom se optuženom I. K. za krivično djelo – Nasilničko ponašanje iz člana 362 stav 1 Krivičnog zakona Federacije BiH utvrđuje kazna zatvora u trajanju od 3 (tri) mjeseca, a za krivično djelo Neovlašteno nabavljanje, posjedovanje, držanje, nošenje, trgovina, popravlanje, modifikacija ili prepravlanje i posredovanje oružjem, bitnim dijelovima i municijom iz člana 73 stav 1 tačka a) Zakona o oružju i municiji USK (Sl. glasnik USK 15/21) utvrđuje kazna zatvora u trajanju od 2 (dva) mjeseca, pa mu se u skladu sa odredbom člana 54 stav 2 tačka b) KZ FBiH i odredbama 62 istog Zakona **utvrđuje jedinstvena kazna zatvora u trajanju od 4 (četiri) mjeseca i istovremeno se određuje da se utvrđena kazna neće izvršiti ukoliko optuženi u roku od 1 (jedne) godine, od dana pravomoćnosti presude ne počini novo krivično djelo.**

## P R I J E D L O G dokaza koje treba izvesti

1. (...):
2. (...):

3. (...):

4. (...):

Predlažem da Općinski sud u Bihaću na osnovu odredaba iz člana 71 tačka e) i člana 78 KZ F BiH, prema osumnjičenom I. K. izrekne sljedeću:

### **Sigurnosnu mjeru - Oduzimanje predmeta**

Od osumnjičenog I. K. trajno se oduzima pištolj Crvena zastava, kalibar 7,62 x 25 mm, model M 57, tvorničkog broja (...) i 125 metaka kalibra 7,62 mm, izuzeti prilikom radnje pretresanja prostorija Prve PU, PS Bihać OKP, a koji predmeti su smješteni u depo OKP PS Bihać, a koji se po pravosnažnosti presude imaju uništiti.

### **REZULTAT ISTRAGE**

#### **Dokazi koji potvrđuju navode optužnice**

Kantonalni tužilac